

學

福

齋

詩

集

學福齋詩集卷十四

雲間 沈大成 學子

百一詩鈔

丁丑正月十九日同松厓三兄初發廣陵順風揚
帆俄頃濟江喜而有作

蒲帆葉葉破烟空快意何殊鶴出籠芳草漸迷千里綠
櫻桃將放一株紅隔江山色蒼茫外動地潮聲遠近中
此去南徐沽酒美與君爛醉向春風

梅魂和王香雪

玉奴儀態本珊珊紙帳歸來夜欲闌月冷尋香空墮影

雪深入夢不知寒可能標格依稀見未許風情仔細看
翦盡剡藤招不得幾回惆悵倚闌干

題亡友顧餘菴遺影

忽睹亭林化後身海雲嶺樹總成塵每歸鄉曲思良友
重向天涯哭故人萬首空留殘筆札一名猶滯舊衣巾
可憐正值清明候墓草青青轉愴神

寒食日東郊展墓

杏花初放柳初眠槐火餽簫又一年忽憶去春凶札日
江村幾處有輕烟

河仰舟膠檣倒回俞塘東去白沙堆故交多半歸泉路

隣笛一聲動我哀

謂徐訪師叔姪

舊壠新阡送紙錢
春風春雨夜啼鵲
獨憐攀栢孤兒泪
不得年年灑墓田

清明

新柳成絲颺麴塵
飭簫社鼓總怡人
祇求鄉曲年年醉
不願天涯金繞身

有幾素心今日聚

是日喜遇凌世鏌張維崧作霖陸嶽祥

譚深不覺夕陽

移歸來潭上月初出一片清光在酒旗

里中今歲鐙謎甚盛
春將半矣鬪奇未已
詩簡超

然

月白鐙紅亭館開傳聞摘謎滿城來風光已過清明後
猶自爭誇得采回

先秦策士工爲隱漢後唯能離合詩拈取鮑昭懷裏字
二形一體幾人知

善慧仙人與世殊辨才無礙祇須臾
超然所作工而敏阿誰袖

手門前立一字如穿九曲珠

是處春泥點屐痕紅桃已落紫藤繁名園勝引重相遇

兩兩三三把酒論
見洛陽伽藍記

和悔凡小圃雜詠

老樹拔地生高藤得所附春盛懸繁花羃歷庭陰暮幽

人時往來翠雲莽回互

亭隳風雨來池荷自相語卷簾校異書可以追煩暑坐
久聞烟鐘紅香眇何許

矢彼隊隊魚狎此涓涓流綠髮漾空明池上亦已秋吾
思莊休言俯仰如游鱗

小院露初濕隣家遠聞香襯以數株翠因之一林黃底
事賦招隱巖穴情偏長

秋菊尙晚節不與羣芳同老圃具幽趣把酒閑相從西
風昨夜生零落寒江楓

娟娟十三峰過雨翠欲滴偶然來倚欄烟際逗遠笛幾

時吟社開風騷共推激

用杜句

奉酬張芋村二首

澱山翠如螺澱湖萬頃白詩老廬其間人比庾信宅憶
昔艤荷舟新雨門庭寂飄飄首前途忽忽失良覲歲月
奄然移泉路邈以隔有孤叩衡茅若苴貌何戚泣述先
公言丁寧痛易簣編其冰雪詩屬之塵土客

幻花先生以遺集委

序人生知己難此事足感激神交託千載何必同阡陌

所覲文筆燕無以贊名德靜吟卷中句宛我論公側

宿志局四海嗜古誰與偕餓驅不自由常在天之涯偶

歸掩關臥觀書鄙羣才拾潛多謬悠或乃入離孤吾意

宗漢學服鄭爲堂階近喜得英俊投詩愜余懷

獨有慕古心未

忍死後埋君見贈句也

家擅明月珠光曜垂垂蜺崔巍陵雲構所用皆良材長離出丹穴文采紛葳蕤士生屬休明功名

當及時它日金華講一黜百家詞努力愛景光不朽以爲期

穀雨前三日集鶴湖草堂與草香嶽祥竹村椒田
兩主人分韻得應字

日日東風吹不息亂紅香徑踏還增年光易過三春到
狂態難除百罰應暢好山遊剛綠筍

酒間言及二余之遊商量花

事又朱藤祇愁早晚催人去雲水天涯跡似僧

昌黎先生集卷十四
社燕

遠客歸逢社江村燕又飛幾時辭碧海何處覓烏衣
涎涎重相見喃喃似久違仲宣飄泊日爲爾憶荆扉

歸舟候潮作

推篷東望濕雲屯坐守潮生暝色昏
小市柳青連遠岸空江雨黑失前村
尋思舊夢皆塵跡餞送春光有酒痕
容易棟花風又到年年惆悵與誰論

寄畏之

自入長安阻好音每歸巷北憶招尋
幾人已薦陵雲賦獨爾猶懷泣玉心
茶笋故園三月美關河遠夢一春深

何時喜睹高車返細和頻年長短吟

舟至林家橋潮落住宿夜中感賦

潮淺更深此泊船不堪重憶舊時緣孤吟硯北餘雙泪
殘夢城東斷卅年香塚芳魂應似昔青袍白髮已非前
邨家門戶今衰落遥睇妝樓倍黯然

雨窗短述

雙鳩林外語何如近夏猶寒感索居北渚尙淹征客櫂
西湖新寄故人書堆觴綠厚開餅酒沾箸紅鮮出網魚
勺藥一欄花正好幾枝分插向窗疏

○河干卽目

半月連陰曉接昏
河干新漲綠沄沄
厨烟壓雨平浮瓦
野艇隨潮直到門
戴笠一僧投古寺
銜泥雙燕語前村
嫩寒漸近黃梅候
分付吟情與酒尊

芋村復枉二詩依韻再答

颯颯風打窗蕭蕭雨
鳴瓦新綠覺漸稠
亂紅嗟紛彈送春
無好懷獨據豪梧
坐有時研荀虞間
或參粲可長須
溯上來報我珠百
顆正聲旣直廉
強韻更怙妥縱
橫君才長瑣碎
吾說脰支離
不知嫌聚施
翻爲播恭惟
良友心好古
畧疎野聞有
葉家春

洲水釀酒佳而葉家尤清美

香色比白

墮行當抽片帆
何能倒三雅
玉餅若見餉
征客待起航

風騷宿所慕望古殷遙情憲章自漢魏六代獵菁英陶
謝分壇坫後來無能爭如彼曹溪禪思讓傳億證義學
故末法妙悟亦強名造思入幽眇自有奇姿生元音在
澹漠寶玉鏘然鳴王孟與韋柳庶幾知典型出門四十
載歸來華髮星弄翰老不已吟興猶飛騰同心得君子
叩擊聞韶齔大雅貴復始瓣香皈墳經

松亭善友小影

靈竺遊踪忽四年詩筭書樞故依然風流二老西歸後

得句唯應證佛前

謂金觀察江聲
施徵君竹田

曾爲疏王司空寺旋向長干得得行今日重過三宿地

藕花紅與曲闌平

從來有相皆如幻浪費丹青認假真我欲與師參活句
天邊明月是前身

對雪有懷松厓三兄同蘭泉舍人作

北風江上來吹雪晚益密推簾步空階庭宇皓以潔延
佇思良友別我遂逾月息影盤溪南一鐙冷抱膝蠅扁
隸古文突兀丹鉛筆經畬鉏耰學海援餅繡吾鄉有
舍人同心盛撰述偶過郤急裝每共話曲室酌酒圍紅
鑪團辭霏玉屑往往及義疏服鄭託提挈自顧昧蟲魚
何能踵塗轍夜靜寒轉嚴牕虛聲猶瑟瑟烏凍已僵老

竹壓忽裂羈懷蜀岡孤遠夢胥江濶早晚買扁舟握笑
快投轄

歲暮集張漁川榮木軒與陳竹町對鷗兄弟閔玉
井江雲碛話別

羈客多所感歲暮百憂集晨東在樞書將理橫江楫淥
雲冒河梁餘雪半原隰言尋仲蔚居松竹森戢弄坐久
展譚諧興酣成篇什老至詩思枯落筆苦生澀公等陵
陰何蒙自比寒拾逼除北風嚴廣陵寒濤急邂逅會有
時出門抗手揖

戊寅新正雪霽集張竹村萊斐書屋看梅分得斜

字

聞正雨雪積不聞鐙火譁今日喜稍霽城北尋梅花主人愛勝引深杯泛流霞斯須雲解駁夕陽漏牕紗久陰忽弄晴天意憐幽葩垂垂屋角邊香冷態空嚬苦加然水竹外一枝獨橫斜卽此沁心脾何必林逋家歸舟並潭西寒潮咽平沙缺月低近人浩邈思無涯

集張超然堦射園詠池上新柳

弱柳因風自不禁麴塵蘸水嫩於金唱青歌翠春光老好是輕黃染未深

池光柳色兩盈盈月底風前畫不成瑟瑟生紋真有態

絲絲綰髻若爲情

依依嫋嫋出銀塘
社燕新來猶未忙
盡日芳園相對舞
分明初種永豐坊

幾層塔影烟中寺
一抹山痕竹外樓
絕愛雨餘扶不起
伴他張緒最風流

張芋村留宿高齋同人咸集鬪酒論詩率成長句
鹿眼編籬野水濱
書牀琴薦淨無塵
三春景物清明候
一會風流澹蕩人
入殘飛花紅杏濕
出牆高影綠楊新
詩壇鬪墨吾何敢
唯有昏昏醉達晨

邵西樵招飲園亭與陸琴谿張芋村愛庭家妙香

丹霞同賦

題襟幸得接風流竹外花間許醉遊舊識高名清閼閣

競傳新句岳陽樓

西樵近自楚南歸

小欄曲徑停吟屐漫水方

塘引釣舟何必桃源方避世偶來凭檻已忘憂

寒食日至吳卽用溫飛卿韻書示若冰

乍繫蘭舟冷節交依依草色上青袍愁人雨點兼風片
泥我花枝與柳梢滿泛百觴浮酒海細論七錄拓書巢
錫簫社鼓山塘路正好嬉春出近郊

夜讀施渙之還玉樓近稿不覺慨然爲題二絕

雪滿邗溝曾別我花飛茂苑又逢君茫茫四海誰知已

且酌深杯莫論文

名士從來如畫餅故應乾死讀書螢謝庭飛絮雖成夢
每遇封胡卽淚零

余亡室隴西君
曾養于舅氏

徐錦川翁婿招遊石湖

荒祠冷倚碧山隈回憶垂虹壯志灰我亦飄零如石帚
幾曾一見范公來

幾枝新柳不勝鴉曲檻方䟽一帶斜向晚行春橋上望
深深簾影是誰家

溫陵龔升菴招游虎丘

鴨頭新漲綠迢迢破楚門西正上潮夾岸翠樓相對出

一枝柔櫓半塘橋

朱戶重扃魯殿餘莊嚴今改化人居風旛不動齋鐘寂
山鳥一聲唬玉除

名園聽雨此曾眠蜀道魂歸十七年爲是羊公臨眺處

白頭從事淚潺湲

壬戌夏樓山先生罷鎮還朝假館蔣氏園

飄零殘客奈愁何竿木逢場且卷波忽憶故人天際遠

離情濃似暮山多

秋堊需次在都

邂逅同心興不孤新詩字字木難珠更煩一瀉金壺墨

爲寫春山霽景圖

王晉卿有春山霽景圖坐中山陽梁壽堂崇忠工詩畫故云

舟艤潏山湖濱王蘭泉舍人亦歸自吳留飲而別

風雪邗江上鶯花澱水濱隔年猶一昔故里已三春赤
管金門客青蓑笠澤人譚經希濶事欲別更逡巡

張超然塢射園藤花歌

塢射園中朱藤花百餘年久蟠蛟蛇每至三月花勝錦
游客在遠徒嗟呀今春疾作自吳返恰當爛漫開芳葩
披衣火急走其下主人爲試頭綱茶載協兄弟

主人及
賢從芋

村嬋羣雅周賀

樂姚合寄

皆詩家安置筆硯鋪絹素或

倚白石趺綠莎其時踈鳥正卓午紫蘿紅旭烝成霞新

脩高架上撐拄亂引殢葉

吳都賦重
葩殢葉

交周遮蔓延鱗接

爭蔓藟筋纏骨立攢枝柯寶華鬘結紛總總頰虬珠璣

垂衰衰

南都賦敷華藥之蓑蓑

林禽啄食集不去土蜂負戴羣如

譁小弟平生有花癖對之老眼頻摩抄回思繡谷醉花

底百八酒器卷狂波

武林吳騷亭繡谷朱藤最盛花時集飲所陳皆舊磁也

白頭

奔走偶歇脚雙丸去我真騰梭二三知己此覓句嚼花
鬪茗殊清嘉主人釀酒聞已熟待開齋禁當重過敷裯
進炙縱譚諱一飲一石寧嫌多

張愛庭蕉葉題詩圖

大泐波從精舍回自成邱壑白雲隈君身豈是芭蕉樹
也向維摩室內來

訪惠松厓三兄

江館聯牀翦燭餘情親骨肉比蛩驢隔年曾與龐公約
卽次先尋揚子居鴉亂空壕新雨後燕低深巷曉風初
入門未問維摩疾且請先生近著書

甫里訪許丈竹素

精廬近住太湖濱高並天隨出世塵四海卽今推碩果
三朝已久作詩人尊前舊雨思巴蜀坐上春風話粵閩
故客西州餘我在白頭飄泊更沾巾

謂王樓山先生

立夏前蕙圃過飲酒間得句

漢學荒蕪久如君得幾人細斟清濁酒快洗古今塵上
市鶯桃早登槃蠶豆新寂寥文字飲亦復記杯巡

和邵西樵村居雜詠

幽居面泖濱白雲澹回互年年花開時禽聲無朝暮偶
來捉松枝可參味外句

白月下長廊涼風冷然至夢對青桂叢自具小山意養
素全吾真卽事多清異

玉妃出世姿宜作詩人伴月來花若無雪集香寧斷何
必入羅浮塵襟頓爲浣

巔屹石成林翠色初過雨平添一段奇幽花滿庭戶幾
時再醉游甲乙吾當譜

瑯嬛多異書插架積卷軸著籍尚河汾說經亞鄭服烝

爲五色芝輪囷暎松竹

蕉葉乃玉昉眉子宛髮織取友貴堅貞片璧含剛德欲
呼高似孫一一箋其側

翦翦白蘋風的的紅蕖露方塘新漲生蛙蛤畫相語追
暑釣石邊高懷狎眠鷺

有屋摘而長橫艇在烟渚麝屢延月波蒼茫眇何許游
魚出無時水禽自來去

黃海查泖濱垂釣圖

齋淪大泖吞長空金甯堵波浮其中近者開帆三過此
絕愛萬頃玻瓈風海查仙人老詞伯奇懷頗與下走同

偶然發興弄烟水畫師畫出吟情濃扁舟容與去不繫
浩蕩直陵東溟東鴟夷彫亨醅醪滿擣菹歷錄縹緗充
一竿去來狎魚鳥九峰出沒嬌芙蓉素知落筆捷奔驥
或恐舒嘯驚老龍古人惟見笠澤叟今君何減滄浪翁
吾生津梁疲行役江湖憔悴偃短蓬安得其隨漁父去
白頭浪裏收魚籠

唐貫休詩浪打取魚籠

學福齋詩集卷十四終

學福齋詩集卷十五

雲間 沈大成 學子

百一詩鈔

王穀原比部丁辛老屋圖

輭紅塵土撲人來終日馳驅劇可哀一室獨饒松石意
午風時款竹扉開

紗帽煎茶足自娛癸辛論著比潛夫蕭然埽軌長安市
此種風流不可摹

循陔粲粲稱吟身回首脩門迹半陳一片南湖朝暮好
家山風物自宜人

唐而烈言集卷二
一
阜茨橋頭秋雨深
短檠孤館感知音
於今因樹堪爲屋
好向維摩證夙心

送穀原歸秀州

重遊禪智路邂逅喜逢君
麗句吟紅藥前塵指白雲
多愁人善病小飲夜常分
頻歲江湖夢偏宜鷗鷺羣
客裏難爲別秋風況滿林
幾時重握手相共細論心
雙槳乘潮急孤篷坐月深
南湖菱芡美歸去暢幽尋

江都羅烈婦詩

試玉須炎火成仁傾覆中
三城龍戰苦一炬鳳樓空
青史共姬後黃壚精衛同
誰云弱女子萬禩有英風

爲晉陵鈕五題牧村圖

莓莓屋後田密密牆根柳離離雲空濛回回溪清瀏先
生居其間青山在戶牖羲唐觀化深耕鑿忘年久天隨
許爲隣汜勝相與友一牀舊校書數把新縛帶悅生紬
往篇却埽遠雜蹂擺落夸毗流抖擻風騷後奇文包緯
經清吟激林阜豈伊生有涯卽此淨無垢紛吾晉陵游
接席記誰某宿昔卽服膺今茲迺握手問字便知名平
生班草首闕月墮秋窗鄭重意何厚幾時縱逸棹一尋
精廬叩樂莫觴弦樂爲我多釀酒

爲海陵俞耦生題雲堂詩意圖

老屋依山築梅花亂白雲琴尊太古意樵牧野人羣一
磴出無際千巖杳不分羅浮四百二何處遇夫君

送牧村之杭州

客路秋將老孤帆君欲行綠尊三月醉白髮一宵生霜
冷葢無語江空雁有聲津亭分手處何限故人情
君向西泠去湖山我舊遊鶯花驚昔夢笠屐趁深秋落
筆增新詠題襟總勝流幾時同買酒重倚柳邊樓

樊川詩意圖

丁丑深秋吾友嚴東有與蔣春農舍人來客廣
陵假館城西之石塢寺卽唐之木蘭院也暑促

燈寒黃葉堆徑鐘魚閒寂羈緒蕭然有感樊川
昔日之游屬舍人提筆爲圖索朋舊題句余亦
廁焉

葉脫霜寒秋氣深偶然橐筆此幽尋寂寥廿四橋頭月
振觸吹簫夜夜心

萍蹤鴻爪幾西東心事無端靜夜鐘詩句吾曹行處有
旗亭妍唱勝紗籠

板橋烟柳六橋春徐庾詩篇自可人推倒選樓傳妙墨
過江詞筆詫如神

卮言偶效蒙莊子淨侶同參甜醪王一會華嚴猶未散

尊前鐙底與評量

歲暮將歸老友程綿莊用余丁丑廣陵留別韻爲
詩送行卽疊奉酬

分携三十年復此寒牕集綢繆才浹句惆悵遽理楫其
時嚴霜飛寒色被原隰回思平生歡投贈徒弄弄安得
如良朋深情滿篇什所嗟流梗久已同吹竽涇浮雲奚
足懷香草幸可拾千秋期不遲一觴催偏急明當橫長
江醉與青山掛

全椒金樓亭孝廉於臨發前一夕始至挑鐙論詩
相見恨晚亦用前韻見贈再疊奉酬

名士千里至寒宵一尊集聊共窗畔鐙且緩江邊櫂江
邊欸冬花餘香來遠隰歲事方崢嶸羈懷亦攢弄美矣
白雪歌喟焉緇衣什吾老逃空虛於世忘響澀跌宕文
史間瓊枝暢可拾同心古所難分手今何急此夕對酒
吟他年下車揖

十二月十八日初之逆旅吳中二姪汝雲自淮歸
邂逅置酒信宿先發重感其意爲賦長句

相逢逆旅翦寒鐙別久情深飲興增老去風塵猶作客
年來意味已如僧江鄉雪少梅將坼征路霜濃衣有棱
若到東齋重洗句吟懷拉雜尚飛騰

喜晤甬東萬近蓬話舊

白髮玲瓏心似灰
西泠殘夢尚低徊
美人已逐朝雲散
良友仍尋舊雨來
寒月將沉江路迥
遠鐘初動客帆開
玉鉤斜畔梅花好
好相約明春此舉杯

京口濟河築壩乘紅船出海門並大江東下

萬山凍若睡橫江
舟欲東金焦與我狎
餽餉開雙瞳晴
久寒流駛潏潏磨青銅
如何嚴冬候抽帆
尙南風側花
之字行巨浪相撞舂
斯須高天曙日出
樽桑宮海氣皆
成霞彌望丹沙紅
大笑叫奇絕汗漫將
毋同呼童進酒
炙長歌起魚龍驚
師推蓬語自此洪波
重直下三百里

路與滄溟通我豈仗忠信所恃吟情雄青衫旣連蹙白
髮亦玲瓏回首黯澹灘驚心呂梁洪平生忘坦險半世
學苦空且可訟風伯無事惱天公千檣去不動指顧蒼
茫中荒江寂人聲何來冥冥鴻

大風宿江中作

怒濤陳奔馬扁舟風退鴟日落霧氣重大江莽昏黑下
碇積水中寄命蛟龍宅掀簸一葉浮宿礮萬鼓擊冰夷
出無時元冥路不隔長年亦蒼黃僮僕失人色戚戚夜
私語此行何太亟宜俟京口通而乃蹈不測古人隘宇
宙志欲出八極笑彼井蛙愚安此穴鼠息往歲王與嚴

謂蘭泉東有

往來亦孔迫豈伊文章高獨藉神明力夜半江月出遠近練光白磊落天邊星耿耿與人逼起看風已轉帆勢尚欹側前行過圖山亂艇漁火積詩境仍可尋旅愁頓爲釋東方天又明酌酒賞寒碧

進帆君山口有感昔游泫然得句

白髮重來四十年尋思陳迹轉悽然春申山好仍如黛

紫玉魂歸已化烟

余於己亥江陰科試卽贅李氏之第二歲也

客路飄零思

北海師門迢遞指南天

謂昆明謝坤侯先生

酬知何日垂垂老不

負傳衣祇一編

自江陰換舟夜過白蕩抵無錫縣

長江初冒險復此迫宵行地入萑苻窟天含風水聲歲
華悲客子時俗薄儒生申旦何由寐荒雞喔喔鳴

高蕙圃舍人過飲

半載蒼茫別邈然至草堂曉來靈鵲語雨後野梅香六
菡專門在三蒼舊論長時方共校惠氏羣經義疏及說文最歡文字飲
何惜倒千觴

己卯開正范瀛山招同朱堆山集一寒齋分覃韻

詩屋城南畔梅花尚半含莫嫌春信晚已覺午風酣感

舊思河朔

癸丑客京師游處最久

論文到石甘

時攜楊先生光先不得已錄共觀

留連吾逕醉歸路月銜嵐

符勝堂集飲與王草香香浦父子白湖四可兄弟
詠春雨得多字

東風載雨檻前過料峭寒生可奈何一夜平添波面滑
幾番輕染柳梢多孤篷遠渚回征夢昏繁空窗起怨歌
賴有深杯堪伴我不教愁坐感蹉跎

奉和張霍山先生

半生研學荀虞後

余治經皆宗漢學而于易尤尚荀虞

垂老逃名嵇阮間

檢點青袍空似草年年添得酒痕斑

十一峰含幾點青鴻飛天外自冥冥吾鄉陳夏風流在
未熄傳薪野史亭

料峭春寒炙硯難曾冰如岸結欄玕捧來珠琲百六八
贈句六絕綜一
百六十八字 楫拙紅深仔細看

落日河梁起別愁爲因勝引卸帆留瓣香願下當筵拜
闕楓從頭問趙州

過墻射園張超然出酒飲早梅下周樂村金二如
繼至同賦

霽後尋幽徑梅花深映扉月痕寒在水雪氣遠侵衣湘
酎浮杯綠江魚入饌肥分攜驚半載不醉肯言歸

與香草堆山探梅宋端揆齋中作

數萼孤亭外寒香已暗浮憑將羌笛引似有白雲留深

夜喧春酌初歸浣客愁玉妃應笑我歲歲仲宣樓

張栖靜園亭看雨

一雨洗春綠諸峰失遠靑潮增池上水烟濕竹間亭蘭

畹傳遺帙

時以太僕吟樵先生詩屬爲作序

芸香守古經蕭閑塵不到

何異在巖扃

過吳訪亡友惠三兄故居感賦

蕪城來往定同舟重到元亭淚欲流三葉芭桑存二子
兄有五丈夫子九經縑帛付千秋野塘有路荒烟合深
近年連喪其三巷無人莫雀愁俗學喧呶誰折角寢門抱恨幾時休

南樓示若冰

赤闌橋外卽香溪，催卸征帆日已西。
春水方生人欲去，世情無定物難齊。
空牕話舊黃爐遠，謂松崖三兄小閣論詩
樺燭低。一葉往來塵滿襪，老懷拉襪感荒雞。

喜晤鄭迂谷

不見鄴官久，今來叩草堂。
春風吹玉笛，散作墨花香。
金石高文古，笙竽清韻長。
深情傳素箴，攜得水雲鄉。
蒙遺書箴

弄墨深閨內，晨朝向硯池。
解將飛絮句，來乞浣花詞。
古色錦雙束，寒香梅一枝。
溪南詩老在，爲我寫烏絲。
乞題詩弟

子南樓吟稿

題錢思贊東臯倡和詩卽用其韻時主人蔣聿齋

養疴居內也

茂苑多詞人大雅踵前迹倡訓治主賓標舉抗今昔希
聲諧弦匏深情寫肝膈谿雲濕琴牀園花點硯席豈因
房櫳深遂使形神隔百詩百浮觴雙管雙飛翼相傾澹
蕩懷足補造化力喻麋磨不停銀鹿走何亟頓游域外
觀漸起眉間色靜者自沖夷灑然兩悅懌卽此傲烟霞
何必耽松石一樓春山青三徑寒梅白

榕溪侍御弟汝雲姪招飲東齋是日蘭谷瞻亭兩
弟啟東文聲兩姪俱至話舊拊今悲喜交集得詩

八首

復此長筵集歡然話故衷衣冠諸阮在燈火一宵同密

坐金尊酒高樓玉笛風行看簪白筆去入未央中弟將赴補

上北

風雨榕城夕回思有歲年寓公嵇叔夜詩老謝臨川謂

玉篴黃十白雪烹魚美雪花魚紅漿剝荔鮮舊游成一

夢把酒轉悽然

蘭谷弟宦閩時恒過飲譙

投傳辭三輔抽帆返五湖高情狎麋鹿清夢穩菰蘆相

視容顏換渾忘歲月徂依然能縱飲意欲倒千壺瞻亭弟不

晤十年而豪興如故

爲憶江南好新從塞上歸鶯花酣故國風雪滿征衣命

世宜承業雄才肯息機終當躍馬去高逐五雲飛

敬東姪自

晉中假歸仍
卽入都需次

吾姪淵雲亞才華動

毀廬已傳三禮賦尚撰萬言書桂向秋風發梅因夜月

虛當年誇玉雪辟咄記庭除

余見文聲
尙垂髫也

隔歲蕪城畔今宵茂苑中嗟余仍遠去幸此復相同個

儻千人廢騰驤萬馬空條冰家故物期爾慰飄蓬

汝雲
姪將

應秋
試

爛爛東齋月尊前失故人早梅依舊發宿草幾番春老

覺同羣少愁牽昔夢頻新阡隔烟水遙睇欲沾巾

三叔
父葬

在西山舊客張寅谷
兄學基弟先後俱逝

垂老猶爲客重來履道坊自憐詩筆退莫倚酒杯狂
成拆殘深夜春明背故鄉從今淮海夢雲樹轉蒼蒼

席上食河魴卽用梅都官韻

歡飲過三爵玉蟲綴燈花大臠割羊豕雜遭羅魚鰕斯
須出河魴沾箸鮮無加頓使百味廢唾棄等鼃蛙方當
狎娥媼其白名西施乳最美何乃畏鑊鄒梅詩庖煎苟失所入喉爲鑊鄒甘香悅

心魂滑膩纏齒牙妙由厨孃烹腍當饗人誇洗潔兼煮
爛幾曾舌微麻北人昧南食當饗徒咨嗟并州俗噉蝸
粵嶠家腊蚰竟有甘卽且相尚飽蝦蟆美醜取較量彼

此銖石差殺身況多途嘆口實無涯春風荻芽萌登盤
味最嘉

遊師子林

宿慕師子林羣玉蘊深秀客行凡幾經春游今始覲矯
首五白松崩濤起晴晝未探巖壑幽已覺風雨湊逡巡
啟竹扉呀豁指雲竇方池面其前一園分左右我遊自
西偏躋攀苦眩瞀仰窺穿玲瓏俯瞰踏陰囂倒垂樹支
頤橫出藤觸袖硯砑若枝梧孱顏更連嶺淙琤鳴暗泉
碎玉隱寒溜寒裳涉淪漣失足驚窅窅突然峯孤撐高
欲拂列宿石筍羅兒孫拱揖意恐後尤怪石上松蟠根

立積甃偃蹇歛白雲堅固不顛踣想此非偶然神物護
林藪東行度畧徇梅花引我走蘿逕緣芳林耳目都非
舊到此石更多媧天結奇構誰揮運斤妙萬象出雕鏤
張步虎磨牙舉翮鳥褰喙窈窕宛萼跗破碎亦炷灸桂
影懸何圓荷柄插殊癭雲蕤綴光晶乳薜錯組繡方虞
大幽同忽覩微陽漏入深旣咲吹出險還跂蹊置我小
林屋蕭灑脫塵垢半日景萬千董巨畫難就昔有紫衣
僧金口此宣剖所嗟化人居終爲勢家有案志師子林
本元菩提正
宗寺僧惟則于此撰楞嚴會解嘉靖間爲傳聞創倪迂
勢家所占旋復仍失遊者竟昧其始矣
布置詫天授上下忘疲勞顧盼快邂逅自元至今茲濶

遠難悉究滄桑雖變遷花月自延衰摩抄五百年安得

如石壽晚鐘出招提夕陽堆衆皴

園外師林寺卽舊存彌陀院也

礪齋宮贊暨蘭谷瞻亭弟敬東汝枚汝雲文聲諸

姪知余齒六十置酒懷雲亭爲壽維舟縱飲醉後

有作

臨分鄭重欲行難且上高亭更盡歡老境侵尋吟興懶
春風蘊藉酒懷寬烟搓新柳迎人舞月浸疎梅繞屋寒
六十平頭猶橐筆幾時息影弄漁竿

玉笋橫飛四座春清歌吹落畫梁塵相逢喜得神仙侶
自笑真成澹蕩人百歲久知同小劫十年空媿在平津

忿忿又作經時別共翦紅鐙醉到晨

次日榕溪礪齋蘭谷瞻亭啟東汝雲文聲復餞於
虎邱卽席留別

扁舟尙繫畫橋東彌望山塘夕照紅征客竟留三日飲
去程恰趁半帆風客顏衰晚應時異雲樹蒼茫有夢通
珍重吳中諸弟姪歌驪猶悵太匆匆

虎阜雲低鐘動遲傷離懷古對深卮春濃人去長淮戍
月落鶯啼短簿祠無數青山偏獨往一雙紅豆足相思
黯然更是初分手衣影鐙光簇岸時

學福齋詩集卷十五終

學福齋詩集卷十六

雲間 沈大成 學子

百一詩鈔

渡江

衆水來三峽千帆湊一門
亂山雲日曉積氣海天昏
遠岸浮烽埃中流弄酒尊
年年逐萍梗回首總銷魂

送程綿莊徵君歸金陵

春帆又見挂江臯此去桃花數尺高
儀徵樸樹灣
兆花最盛 正是

天涯寒食後濕雲如絮雨如毛

金陵小別卅年來風雪邗溝共酒杯
向後重逢更何日

獨彈清淚送君回

閏六月望前一日集飲超然塢射園拈得能字

竹深荷淨曲池澄
香界清涼得未曾
桂魄漸圓光似水
松醪初壓冷於冰
頻年跋涉征人老
強韻安排哲匠能
謂霍山先生爲是經時方握笑
夜分還向石闌憑

題張童子嗜學圖遺影

瓊枝一昔隕飛霜
圖畫空存翰墨香
猶記名園觴咏日
尊前扶病問三蒼

盡屏諸緣組讀書
隨身鉛槧校蟲魚
前因應證香嚴位
暫墮紅塵不肯居

阿翁妙句似逋翁

謂超然

引鏡方當壯歲中
它日重來才

更逸好將詩筆付非熊

傷心一賦庾蘭成
羈旅關河白髮生
我爲披圖牽舊恨

孤鐙坐雨淚如傾

亡兒一震以五經隸博士弟子旋即病天

張芋村倚翠吟紅圖

君不見信陵六國稱英雄
日夜醇酒婦人中
又不見小宋難燭脩唐史
紅裙左右環而侍
文人有託無不宜
剪儻風流如用奇
誰與和墨爲畫此
披圖使我心神怡
一鬟提壺一捧硯
兩鬟展卷搖珠鈿
髻也攘臂出其間
目光爛爛若巖電
秋水時至秋花開
閑園幾日無人來
一

吟頓就一千字一醉須傾三百杯縱橫詩律妙酒約

見

南鯨牙可拔天可酌玉山將頽興不孤舉手欲摸黃金
鳥近聞矯枉守齋禁想君枯寂毋乃甚課兒架上書頻
紬對客窗西琴卽枕幾時重泛櫂頭船乘潮直到精廬
前與君痛飲看君醉醉中落筆飛雲烟

邵西樵荷淨竹深圖

賞荷那等銷夏灣看竹何須韜光巔炎官撐繳火炙地
展君畫冊冷然寒當日經營出妙手吹琉璃界爲君有
紅香遠近沒平橋綠影參差接深柳高梧瘦石態娟娟
圓沙曲渚連野田澱湖之水平杯中瀉揮霍鷺鷥餐雲烟

吾兄詩豪健如鵲三吳傳寫夸邵謁興酣搖筆勢欲飛
能令萬夫氣爲奪偶邀畫史作此圖粉墨空濛真可呼
閑向清池弄烟水靜聞幽籟歡笙等因思道塗多熱客
馬瘡車賃行不息啗含揮汗塞鼻塵如君納涼安可得
題太倉王東莊未全山水

東莊六法繼荆關數筆猶留墨蘚班好似仙山風引去
不客人到翠微間

王香雪移尊梅園觀荷與范瀛山黃海查王香浦
同賦

琅邪先生列仙儒以文字飲爲歡娛閨月消丙甫信宿

指麾銀鹿移行厨怡乘潮落放艇去名園窈窕城南隅

今年秋早氣却晚翠蓋尙擁千芙蕖酣紅嬌捧美姝面

帝青高揭浮圖孟重臺文錦交婀娜太一仙子來虛無

虞美人蜜鉢臺蓮
皆園中荷種也

主人風流張思曼

謂園主
人二銘

喜聞客至

披衣趨揖入卽詠題壁句坐久還繙堆牀書方池一頃

淨若鏡眼底漱醴分西湖三十六陂眇何許蒹葭菱蔓

眠鷗鳬吾昔飛鴻曾游騁

園舊爲姚老鰲
先生飛鴻堂

重來波匿驚

而吁連扇結牖耳目改異境快拓營邱圖其時巖桂已

蘄馥涼風往往與之俱片雲乍黑雨忽至萬荷掀舞跳

明珠當軒施裯列觴飲爵觚觶角散甌壺流蘇綵繚錯

燈炬麝麝深曲飄笙竽轉喉車子年十四澄波善睽水
雪膚良友久別幸良會有酒不飲何爲乎藏鉤卷波喧
百罰積籌如蝟膽益麤相期三五重聚此二銘約有月
光漉漉飛蟾蜍一杯終當屬李白是夕遲李坤四不至六萌可許
迎羅敷吾老苦愛花與月不勞折簡還招呼

歲暮送何香海歸杭州

篝鐙風雨忽經時其向梅花快論詩似此高懷今世少
況兼雄筆是吾師一繩寒雁尊前落幾點征帆江上遲
小別明春好相見錢塘湖上柳絲絲

早梅和王匏如

依微數點白寂寞對春陰翻假雪霜力因知天地心初
傳嶺外信又引笛中音好約西隣叟拖筇一爲尋

庚辰初正將續西泠之遊過禾訪王穀原比部

不謂吳船別相看忽隔年方營騎省宅猶積右軍牋

時

移居而乞書者坐至樹色南湖雨人家北郭烟前期春正好去佇

六橋邊

穀原亦將至杭

十九日晚至杭州雨宿篁菴姚天璞陳用之家玉

樵姪先在

風雨高城夕還尋禪榻眠舊遊真似夢遠去幾經年數
杵鐘方動一枝梅尙妍明朝天定霽約上總宜船

訪汪西顥徵君不值

重訪街南宅初晴曉尚寒
香泥雙屐滑春草一庭寬
舊侶無多在謂竹田麀徵
北亭俱逝新題次第看
掩書何處去倚冷

曲闌干

出瑞石洞望錢塘江至天開圖畫閣余舊館也有

懷張漱石顧九峯

窈窕出雲壑高亭俯翠蘿
潮生江勢濶寺近夕陽多
登頓老猶健蒼茫客重過
故人各天末吟眺思如何

傅玉篴王介眉兩先生招飲卽席奉呈

杖履多時別湖山此夕同
幸陪文字飲重見古人風
苔

上吟賤綠花連酒琰紅閑居饒樂事百歲傲三公

清河外氏之甥韓思永有子宗琦慧而殤其母袁氏夫人存齋太史第四妹才媛也自草行畧來乞傳因憶亡兒一震泣然得句卽以寄內

蕙歎芝焚泪不禁一封事迹繼哀吟

袁夫人附
有哭子詩

宅時亦

抱童烏痛異地還傷庾信心殘燭寒鐘懷客夢破窗急

雨接春陰含毫更憶黔婁婦若悼殤兒恨轉深

余客南方最久

當日亡兒讀書有成皆清河君教之

附哭子詩

錢塘

袁

杼

綺文

風搖燭影雨昏昏死後醫師空到門玉碎竟成千古

恨蘭枯忽斷十年恩
半生薄福吾何望
滿榻遺文爾尚存
伏枕猶憐吟句苦
黃墟無路覘殘魂

臨沒叠咏舉頭望明

月低頭思故鄉

廿四日移寓鄭文園齋中因呈主人

爲我安新榻詩囊復此攜
同舟思北固

甲戌歲暮同渡揚子

舊雨

感西溪

是歲之春曾陪金丈江聲探梅河渚草堂文園舊居也

潭影依窗動花枝

入戶低七年方一見
何惜醉如泥

三樹行甬東邱孝廉至山屬賦

一栢兩松直幹強
偃蓋鬱鬱撐雲長
或恣擎攫或卷局
遠勢直欲蟠穹蒼
石壇數丈土深紫
傳聞種之自天水

故家喬木近千年宋社旣屋此依然奇古已成銅鐵色
堅完反得冰雪力風來恒聽濤音喧雨過猶看嵐氣積
甬東之邱若段侯竹里私第枝相樛見西陽雜俎衙衙似引
蒼虬出蓑蓑疑有青羊游世守幸賴賢子孫滄桑幾變
寒柯存遺宅靈光指海上徂徠新甫同垂芬安得畫師
張璪輩爲寫神骨留古春

玉笈先生招飲湖舫偶遇丁龍泓隱君焚虛上人
同游漪園因之南屏

風定波明鳥榜輕六橋內外柳烟晴多年只繫湖山夢
此日尤深觴咏情詩老恰同春水坐高僧還逐白雲行

南屏將曉鐘初歇一段荒寒畫不成

聖恩寺訪鈍菴上人

紺宇面澄湖湖光漾金碧舍舟叩禪扉梵放鐘魚寂一
勺伏寒泉數株立奇石落梅聚軒楹欹松壓巾幘山僧
聞客來爲埽竹間席清言祛伊蘭文句入簷蔔更愛黏
壁詩翠駿森古色能所俱唐捐於此驗道力願訂支許
交法苑相推激坐久意忘歸頽陽影西匿

龍泓過訪贈詩依韻奉答

古詩規四始奇字訂三蒼遺世爲高士皈心向法王青
山開戶滿春柳倚門長柘館休多感浮生總幻茫

龍泓
工篆

八分晚年以
季子塲歸佛

夜讀陳媛如璋近詩因題其後

遠札簪花格新詩咏絮詞五言今獨步一字我慚師殘
月依深樹春流滿曲池小窗梅影瘦可以況清思

題胡西園臯亭結廬圖

猶憶臯亭初夏時軟風吹綠過舟遲到今頭白重相見
耆舊驚心數首詩

甲戌四月西園招同金丈江聲施兄竹田看新綠于此今俱下世矣

萬樹梅花一片山精廬好結水雲間幾時始遂幽栖願
容我拖筇來叩關

文園三兄載酒同游龍井作

異地開龍泓應接悅萬狀仁祠闢唐時

寺創于唐乾祐中

結構

妙意匠初墮白雲中忽踏蒼松上窈窕轉層巖窮穷出
孤嶂竹深視聽幽苔滑行步妨爛爛明花蹊裊裊掛蘿
帳抖擻躋其巔倚闌堪寫望風來林景清日落嵐氣漲
盈盈西子湖綠淨在杯盞展席面青山支鐺溫昔釀既
酣恣譚諧吾懷亦已暢念彼辨才師說法浩無量當年
羣賢游前塵宛俯仰殘碑字饌餉雲烟付幻妄良友幸
招尋消搖縱天放浮生山木綠著屐費幾兩歸途聞流
泉殷耳一何壯

題方正學先生閱畊軒記手蹟家大山兄所藏

烏虜革除之際方氏族有留隻字畢至僂豈知歷歲四

百餘王稔未收文在茲

明史本傳永樂中無敢藏孝孺文者門人王稔潛錄爲侯城集

閱耕之軒今不見瑤溪何處波如練

卷後蘇平仲記雲間陳士傑居華亭

之東瑤溪之上今不知其處矣

忠魂能與日月爭墨光閃睽走几案幽

風一篇述耘耔周家德教何其美偶然撰著規君王所

學之正乃如此

先生記中大指

吾兄珍藏已四傳文字完好裝

尚鮮筆力端勁透楮背懔然浩氣不可干森森八法戈

矛利落落數行星斗蟠卽看座間感憤發足令地下姦

强寒可憐姓名已塗乙就日照之還彷彿陶輪風火有

變遷先生精爽炯難滅逐燕高飛又幾春當時兵甲又

成塵金川門外豔羅綺繁花自照秦淮水長陵草枯狐
兔悲一腔碧血堆崔巍讀罷焚香起再拜空堂晝黑天
爲晦

○新喻古鐘歌

乾隆己卯夏五月十三日江西臨江府新喻縣
之金田鄉潁江之上有童野牧牛臥草間不去
投以石鏗然有聲歸告其主符氏掘得古銅鐘
十一枚縣令畢節周挺聞于行臺表進之其體
自大至小其重自斤二百二十九至斤七有奇
攷之傳記其爲遛鐘與宜二十四其爲編鐘與

宜一十六今數止於十一則此鐘之亡者有矣

其形羨而不圓鉦

當鐘體之半

與銑

鐘兩口角

之美皆以

舞

鐘體上覆

例之其殺三之一角

鐘柄也

長與鉦等篆

鐘有四帶紋如篆籀

四篆間之枚

鐘乳也

九圍三十六旋蟲

旋屬鐘柄所以縣也蟲爲飾

在左銘在兩銑之間大鐘文八

十六小鐘文二十六銘有云聖若召公其鑄於

周可知也歐陽氏歸田錄曰太常所用王朴樂

編鐘皆不圓而側垂及得寶饒鐘其形正與朴

同古樂鐘旣側垂則鐘縣宜偏左案之此鐘聶

崇義三禮圖所繪正垂又不能明言其制宜其

書見譏於後也庚辰之春來游西泠會青浦家
大山兄嘉緒歸自新喻圖鐘之形及脩廣斤兩
之數與銘出以共觀屬予作歌并序之

皇帝御宇廿四載盛禮興樂咨夔夷咍咍元氣百祥致
地不愛寶牧得之西江下邑有新喻表上古鐘十一枚
大者如剽小近棧蕤賓姑洗誰能知遡鐘廿四編十六

粵稽傳記虞或遺祝融臨冶蜚廉下誰其作者鳧氏爲

吉金吉日鏗鐘成皆見銘中撞之搖簾九巫馳楚詞鏗鐘搖

厥體銑于鐘脣之上祛鼓鉦舞于上之隧在鼓之中光而窪於佳切依

集韻柄爲甬衡縣爲旋活翠歷錄爭晨曦銘有曰聖若召

公可徵鑄自西周時旋蟲偏左鐘斯側其形惟羨古則

宜想見成康全盛日不窳他彫切不櫬胡化切協靜龍幾時

飛墮漢江外浪淘土蝕昏雷回神物端爲

聖皇瑞符應不數齋房芝榮光旁燭牛斗野楚公所寶

亦已卑楚公鐘見鐘鼎款識漢晉卽出曷足擬寶龢五鐘洵並奇

東觀餘論宣之史館載簡冊繼周萬禩垂蕃釐吾兄嗜定爲周鐘

古世所罕手自撫拓攜之歸酒酣發篋共欣賞長髯抵

几頻援莎宣爲切春風向晚動戶牖飛花如雪堆璫卮吾

媿遵父及長睿無能攷索齊柴池二變四清況不習欲

狀金奏徒陳詩

山舫爲讓山善友作

一筏如如斷古今偶然示見出蒼岑
阿師自具無邊智我輩徒窺不繫心
倚枕夢回寒渚月罷琴雲冷半湖陰
漫拈船子當前句堅坐空山忍草深

題焚公梅花作伴圖

前身應自梅花納出世還居香海中
記得孤山曾信宿一庭白月半窗風

此來又近落梅時挑盡禪鐙細論詩
爲愛中峯多好句年年花發最相思

輓舒雲亭明府卽題舊遺攜幼圖

仙令歸天上千秋遼鶴悲全家依弱女數卷保殘詩古
寺鐙昏夕空窗雨到時底須聞塢笛尋憶泪如絲

常日同吟社晨星剩一僧功名嗟過電朋舊感春冰漫
憑遺圖在焄蒿魂氣馮誰知膠漆契不變獨南能

謂我上人

學福齋詩集卷十六終